

নম্বর-৫৩.০০.০০০০.৪২০.৯৯.০১২.১৯.৮০

তারিখ: ২৬ জ্যৈষ্ঠ, ১৪২৮
০৯ জুন, ২০২১

- বিষয় : আর্থিক প্রতিষ্ঠান বিভাগের ইনোভেশন টিমের ২০২০-২০২১ অর্থবছরের ইনোভেশন কার্যক্রম সংক্রান্ত ৬ষ্ঠ সভার কার্যবিবরণী।
- সভাপতি : মফিজ উদ্দীন আহমেদ, অতিরিক্ত সচিব ও চিফ ইনোভেশন অফিসার, আর্থিক প্রতিষ্ঠান বিভাগ, অর্থ মন্ত্রণালয়।
- সভার স্থান : কক্ষ নং ৩২১, ভবন নং ৭, বাংলাদেশ সচিবালয়, ঢাকা।
- তারিখ ও সময় : ০৯ জুন, ২০২১ বুধবার সকাল ১১.০০ ঘটিকা।

আর্থিক প্রতিষ্ঠান বিভাগের অতিরিক্ত সচিব ও চিফ ইনোভেশন অফিসার কর্তৃক উপস্থিত সকলকে স্বাগত জানিয়ে সভার কার্যক্রম শুরু করা হয় এবং যথাসময়ে সভায় উপস্থিত হওয়ার জন্য সকলকে ধন্যবাদ জানানো হয়।

০২। সভার আলোচনাঃ

(ক) ইনোভেশন টিমের সদস্য সচিব ড. নাহিদ হোসেন সভাপতির নির্দেশনাক্রমে প্রতিটি বিষয় ধারাবাহিকভাবে উপস্থাপন করেন। তিনি বলেন, ইতোপূর্বে প্রত্যেক বছর উদ্ভাবনী উদ্যোগের সংকলন পুস্তকটি তার পরবর্তী অর্থবছরে প্রকাশ করা হয়েছে। সে হিসেবে ২০১৮-১৯ অর্থবছরের পুস্তকটি ২০১৯-২০ অর্থবছরে প্রকাশ করার উদ্যোগ গ্রহণ করা হয়েছিল কিন্তু করোনার প্রকোপ ছড়িয়ে পড়ায় তা সম্ভব হয়নি। উল্লেখ্য যে, তখন পুস্তকটি প্রকাশের জন্য সিনিয়র সচিব মহোদয়ের অনুমোদন নেয়া হয়েছিল। করোনা পরিস্থিতি বিদ্যমান থাকায় 'উদ্ভাবনী উদ্যোগ-২০১৯-২০২০' শীর্ষক পুস্তকটি 'উদ্ভাবনী উদ্যোগ-২০২০-২০২১' হিসেবে প্রকাশ করা যেতে পারে। এ লক্ষ্যে প্রয়োজনীয় অনুমোদন গ্রহণ করতে হবে এবং দ্রুততম সময়ের মধ্যে প্রাসঙ্গিক কার্যাবলী সম্পাদনের জন্য দাপ্তরিক প্রাক্কলিত ব্যয় প্রস্তুতকারক কমিটি ও দরপত্র মূল্যায়ন কমিটিকে অনুরোধ করা যায়।

(খ) সভা লক্ষ্য করে যে, 'উদ্ভাবনী উদ্যোগ-২০২০-২০২১' শীর্ষক পুস্তকটি প্রকাশের জন্য পর্যাপ্ত অর্থের সংকুলান হচ্ছেনা। তাই, এ বিভাগের আওতাধীন দু'টি প্রতিষ্ঠান ইনভেস্টমেন্ট কর্পোরেশন অব বাংলাদেশ (আইসিবি) এবং বাংলাদেশ ইন্সটিটিউট অব ক্যাপিটাল মার্কেট (বিআইসিএম) হতে বিজ্ঞাপন বাবদ প্রয়োজনীয় অর্থের সংকুলান করা যেতে পারে এবং এ লক্ষ্যে আলোচ্য প্রতিষ্ঠানসমূহে পত্র প্রেরণ করা যায়।

(গ) সভা অবহিত হয় যে, বার্ষিক উদ্ভাবন কর্মপরিকল্পনা ২০২০-২০২১ অনুসারে উদ্ভাবকগণকে স্বীকৃতি বা প্রণোদনা প্রদানের জন্য দেশে/বিদেশে শিক্ষা সফর/প্রশিক্ষণ/নলেজ শেয়ারিং প্রোগ্রামে প্রেরণের নির্দেশনা রয়েছে। এ সূচকটি সম্পন্ন হলে ২ (দুই) নম্বর পাওয়া যাবে। কিন্তু বিদ্যমান করোনা পরিস্থিতিতে দেশে/বিদেশে শিক্ষা সফর আয়োজন করা সম্ভব হচ্ছে না। এ পরিস্থিতিতে, আর্থিক প্রতিষ্ঠান বিভাগে স্বাস্থ্য বিধি মেনে প্রশিক্ষণ/ নলেজ শেয়ারিং প্রোগ্রাম আয়োজন করা যেতে পারে মর্মে সভায় মতামত প্রদান করা হয়।

(ঘ) সদস্য সচিব সভাকে অবহিত করে যে, গত ০৫ এপ্রিল ২০২১ তারিখে ডিজিটাল প্ল্যাটফর্মে ইনোভেশন শোকেসিং আয়োজন প্রোগ্রাম আয়োজন করা হয় যেখানে ২৫টি দপ্তর/সংস্থা তাদের উদ্ভাবনী ধারণাসমূহ উপস্থাপন/প্রদর্শন করে। পরবর্তীতে ইনোভেশন টিমের ৫ম সভায় সংশ্লিষ্ট দপ্তর/সংস্থাসমূহের উদ্ভাবনী উদ্যোগের

শোকসিং নিয়ে পর্যালোচনা করা হয় এবং অধীন দপ্তর/সংস্থার ৯ (নয়)টি উদ্ভাবনী উদ্যোগ নিয়ে সংক্ষিপ্ত তালিকা প্রস্তুত করা হয়। সংক্ষিপ্ত তালিকা হতে ধারণাসমূহের যৌক্তিকতা, টিসিভি (TCV), সামাজিক প্রভাব, ইউজার ফ্রেন্ডলিনেস ইত্যাদি বিষয় বিবেচনাপূর্বক ৫(পাঁচ)টি উদ্যোগ চূড়ান্তভাবে নির্বাচন করা হয়। নির্বাচিত ৫(পাঁচ)টি উদ্যোগের উদ্ভাবকগণকে ক্রেস্ট প্রদানের জন্য সভায় ৩(তিন)টি ক্রেস্টের নমুনা উপস্থাপন করা হয়। সভা একটি ক্রেস্ট নির্বাচন করে এবং ক্রেস্ট এর লেখার বিষয়ে মতামত প্রদান করে।

(ঙ) সভা আরও লক্ষ্য করে যে, বার্ষিক উদ্ভাবন কর্মপরিকল্পনা ২০২০-২০২১ অনুসারে একটি উদ্ভাবনী উদ্যোগ আঞ্চলিক/জাতীয় পর্যায়ে বাস্তবায়নের নির্দেশনা রয়েছে যা সম্পন্ন হলে ৭(সাত) নম্বর পাওয়া যাবে। উল্লেখ্য, ইতোপূর্বে অডিট ম্যানেজমেন্ট সিস্টেম নামে একটি উদ্যোগ বাস্তবায়ন করা হয়েছে যা অফিস আদেশ জারির মাধ্যমে দপ্তর/সংস্থাসমূহকে বাস্তবায়নের জন্য সভায় আলোচনা হয়।

০৩। **অতঃপর বিস্তারিত আলোচনা শেষে সভায় সর্বসম্মতিক্রমে নিম্নে উল্লেখিত সিদ্ধান্তসমূহ গৃহীত হয়ঃ**

- (ক) 'উদ্ভাবনী উদ্যোগ, ২০১৯-২০২০' শীর্ষক পুস্তকটি 'উদ্ভাবনী উদ্যোগ, ২০২০-২০২১' হিসেবে প্রকাশ করতে হবে এবং দ্রুততম সময়ের মধ্যে প্রাসঙ্গিক কার্যাবলী সম্পাদনের জন্য দাপ্তরিক প্রাক্কলিত ব্যয় প্রস্তুতকারক কমিটি ও দরপত্র মূল্যায়ন কমিটি প্রয়োজনীয় ব্যবস্থা গ্রহণ করবে।
- (খ) 'উদ্ভাবনী উদ্যোগ-২০২০-২০২১' শীর্ষক পুস্তকটি প্রকাশের নিমিত্তে বিজ্ঞাপনের জন্য ইনভেস্টমেন্ট কর্পোরেশন অব বাংলাদেশ (আইসিবি) এবং বাংলাদেশ ইন্সটিটিউট অব ক্যাপিটাল মার্কেট (বিআইসিএম) এ পত্র প্রেরণ করা যায়।
- (গ) বার্ষিক উদ্ভাবন কর্মপরিকল্পনা ২০২০-২০২১ অনুসারে স্বাস্থ্য বিধি মেনে প্রশিক্ষণ/ নলেজ শেয়ারিং প্রোগ্রাম আয়োজন করতে হবে।
- (ঘ) উদ্ভাবকগণকে নির্ধারিত সময়ের মধ্যে ক্রেস্ট প্রদান করতে হবে।
- (ঙ) অডিট ম্যানেজমেন্ট সিস্টেম নামক উদ্যোগ বাস্তবায়নের জন্য অফিস আদেশ জারীর মাধ্যমে আওতাধীন দপ্তর/সংস্থাসমূহকে অনুরোধ করতে হবে।

০৪। পরিশেষে উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।



(মফিজ উদ্দীন আহমেদ)
অতিরিক্ত সচিব
ও
চিফ ইনোভেশন অফিসার

বিতরণ (জ্যেষ্ঠতার ক্রমানুসারে নয়)

১. জনাব কামরুন নাহার সিদ্দীকা, যুগ্মসচিব ও সদস্য, ইনোভেশন টিম, আর্থিক প্রতিষ্ঠান বিভাগ।
২. ড. নাহিদ হোসেন, যুগ্মসচিব ও সদস্য সচিব, ইনোভেশন টিম, আর্থিক প্রতিষ্ঠান বিভাগ।
৩. জনাব মোঃ জেহাদ উদ্দিন, উপসচিব ও সদস্য, ইনোভেশন টিম, আর্থিক প্রতিষ্ঠান বিভাগ।
৪. জনাব মোহাম্মদ সফিউল আলম, উপসচিব ও সদস্য, ইনোভেশন টিম, আর্থিক প্রতিষ্ঠান বিভাগ।
৫. জনাব মোঃ গোলাম মোস্তফা, উপসচিব ও সদস্য, ইনোভেশন টিম, আর্থিক প্রতিষ্ঠান বিভাগ।
৬. জনাব মোহাম্মদ এনামুল হক, উপসচিব, আর্থিক প্রতিষ্ঠান বিভাগ।
৭. জনাব মোঃ মহিন উদ্দিন, সহকারী সচিব ও সদস্য, ইনোভেশন টিম, আর্থিক প্রতিষ্ঠান বিভাগ।

সদয় জ্ঞাতার্থে/কার্যার্থে:

১. সিনিয়র সচিবের একান্ত সচিব, আর্থিক প্রতিষ্ঠান বিভাগ, অর্থ মন্ত্রণালয় (সিনিয়র সচিব মহোদয়ের সদয় অবগতির জন্য)।
২. জনাব তাহসিন আহমেদ রনি, প্রোগ্রামার, আর্থিক প্রতিষ্ঠান বিভাগ (ওয়েবসাইটে প্রকাশের অনুরোধসহ)।


(ড. নাহিদ হোসেন) 
যুগ্মসচিব ও
সদস্য সচিব